

## Ilitsersuut KALAALLISUT

### Sungiusaatit suliasat – piginnaasanik misilitsissutinik assigiissaarineq

Atuarfimmi inaarutaasumik misilitsinneq 2017 aallarnerfigalugu kalaallisut atuartitsissummi piginnaasanik misilitsitsineq assigiissaarneqarpoq. Assigiissaarinermi piginnaasanik misilitsitsinermi suliaasiissutit atoqqeqattaarneqartartussaapput, tassuunatigut angusat ukiumit ukiumut sanilliullugit ilikkagassatut angusat nalilersorneqarsinnaammata. Ukiut tamaasa misiligutit 10 % tikillugit taarserneqartassapput. Terminsprøveqarnermi imaluunni atuartitsinermi atorineqassanngillat. Taamaattumik piginnaasanik misilitsinnermi suliaasiissutit kopeerneqassanngillat misilitsinnerullu kingorna atorineqanngitsut sinneruttullu tamaasa Ilinniartitaanermut Aqutsisoqarfimmut utertinneqassallutik.

Sungiusaatit suliasat suliarineqarnermikkut siunertaraat, atuartut kalaallisut piginnaasanik misilitsissutinik misilitsinnginnerminni suliaasiissutit assigiinngitsut suussusiinnik sungiusartereernissaat.

Pingaartillugu oqaatigissavarput, sungiusaatinik suliaqartitsinermi piginnaasanik misilitsinnissamut suliaasiissutinut assingusunik suliaqarsinnaanermik sungiussitsitsinissaq siunertaammat.

Sungiusaatit suliasat siunertarinngilaat oqaasilerinermik oqaasileqatigiilerinermillu misilitsivinnginnermi annertuumik sungiusartitsinissaq – nalinginnaasumilli atuartitsinermi ilanngullugu sammineqarnissaat innersuunneqarpoq.

#### Suliaasiissutit:

Piginnaasanik misilitsissutinik misiliinermi misilitsitsinermilu nalinginnaasuuvoq suliasat assigiinngitsut suussusaat immikkoortinneqartarlutik makkununga:

<b>Arlariinnik akissutissanik qinigassaarluni toqqagassaqarneq/Multiple choice</b>	<b>Suliasat sisamanik akissutissanik periarfissiisut.</b> <i>Assersuut 1:</i> Atuartoq ataatsimik akissutaasumik krydsiliissaaq. Akissut arlalinnik krydsiliiffiqarsimappat atortuutinneqassanngilaq. <i>Assersuut 2:</i> Atuartoq periarfissat arlariinni akissummik ataatsimik ammalortuliissaaq. Akissut arlalinnik ammalortuliiffiqarsimappat atortuutinneqassanngilaq. <i>Assersuut 3:</i> Akissummi oqaatsimik ataasiinnarmik toqqaaffissami, allaffissami oqaaseq ataasiinnaq allanneqassaaq. Oqaatsinik arlalinnik allasimappat akissut atortuutinneqassanngilaq.
<b>Akissut naatsoq</b>	<b>Akissutissamik immikkut toqqagassaqanngilaq.</b> Atuartoq nammineq akissutissamik allasaaq.
<b>Akissut takisooq</b>	<b>Immikkut akissutissamik periarfissiisoqanngilaq.</b> Atuartoq nammineerluni akissutissamik eqqortuusorisamik allasaaq.
<b>Eqqortoq/eqqunngitsoq</b>	<b>Suliaasiissut akissutissanik marluinnarnik periarfissiisoq.</b> Atuartup nalunaarsussavaa akissutit toqqakkani eqqartuunersoq

	eqqunngitsuunersorluunnit. Akissummi tamaasa krydsiliiffigisimappagit akissut atortuutinneqassanngilaq.
--	---

Kalaallisut piginnaasanik misilitsissutinik assigiissaarinermi pisassiissutit eqqortoq/eqqunngitsoq aamma akissutit takisuut ilaatinneqanngillat. Taamaattumik sungiusaatini ukunani aamma suliassiissutigineqaratik.

**Immikkoortortat:**

*Assigiissaakkamik kalaallisut piginnaasanik misilitsitsineq - immikkoortortat:*

Suliassiissutini suliassat suunerinut assigiinngitsunik amerlassusilerlugit immikkoortiterneqarput: oqaasilerinermut, oqaatsinik paasinninnermut oqaatsinillu atuisinnaanermut.

*Sungiusaatitut suliassiissutit – immikkoortorta:*

Sungiusaatitut suliassiissutit assigiinngitsut immikkoortortanut arfineq-pingasunut tulleriinnilersorneqarput:

- Taggisit
- Oqaluutit
- Oqaaseqqat
- Uparuartorniutit
- Uiguutit
- Oqaaseqatigiillerineq
- Oqaasertuneq
- Atuakkamik paasinninneq

Immikkoortortat arfineq-pingasut sungiusaatini suliassiissutigineqartut tassaapput immikkoortortat assigiinngitsut atuartunit kalaallisut piginnaasanik misilitsinnermi suliassissutigineqarsinnaasut ilaannaat.